

آبونه شرائطی
داخلی، خارجی، هر پراچون
سنه لکی (۲۵۰)، آلتی آیلانی
(۱۳۰) خروشدرد .
نسخه سی ۵ خروش ،
سنه لکی ۵۲ نسخه در
اداره خانه
باب عالی جاده سنده دائره مخصوصه
اخطارات
آبونه بدلی پمیدر
مسکه موافق آثار مع المنونه
قبول اولور . درج ایدله یی
بازیر احاده اولور فاز

السنایک

۱۳۳۸ ربيع الاول ۱۸

دینی ، فلسفی ، علمی ، ادبی ، سیاسی ، معنوی ، مجموعه اسلامی در
ساحب و مدیر مشول
باش محرر
اشرف اربیب

وافته یهدی من یشاء الی صراط مستقیم محمد عاکف

اشرف اربیب

اتبعون اهدکم سبیل الرشاد

اخطارات
ادرس تبدیلنده آبرجه بهی
خروش کوندر لیدر
مکتوبلرک امضالری واضح
واوقو قائل اولسی و آبونه صره
نوسروسی معنوی بولسی
لازمدر
مالک اجنبیه ایچون آبونه اولالارک
آدرس لریک فرانسه جاده یازلسی
رجا اولور

باره کوندر لیدری زمان نهیه دایر
اولدینی واضحاً بیلدیرلسی
رجا اولور

جلد ۱۸

۱۱ کانون اول ۱۲۳۵

پنجشنبه

۱۸ ربيع الاول ۱۳۳۸

عدد : ۴۵۱

انسانیتک الیوکسک مفکوره سی

رسالت پناه افندسزک ولادت سنیه لری مناسبیله

حشر ونشر اولانلر اقبال وسعادت ایچنده اسرار حیات ایدنلره بر نمونه
امثال تشکیل ایده منزل .
بوندن ماعدا مفکوره انسانیت مطلقاً بر شخصیت تاریخیه اولمیدر .
اونک تاریخ حیات باشدن باشه مسجل اولمیدر که اخلاقه بر رهبر
هدایت اوله بیلسین .

مفکوره نك شرائط ضروری سی بونلردر . ادیان سائر نك مفکوره -
لری بی نقطه نظر دن تدقیق ایدرسه کورورزکه ، کیمی بر شخصیت
تاریخیه اولمایوب اسرار واساطیر ایله محاط بر سبجل حیاته مالک ؛
کیمی ده بشرک بر قسمی ایچون نمونه اقتدا اولیه حق صورته پک حلیم
بر حیات کچر مش . ایشته ادیان سائر نك بر مفکوره انسانیت اولمق
اوزره کوستردیکی بیوک شخصیتلر بویله بر وضعیتده در .

فقط بزم پیغمبر ذیشانمز علیه الصلاة والسلام اقدیمز ، بیان
ایتدی کمز کافه شرائطی حائر بر نمونه کال ، بر مفکوره انسانیه در .
ذات رسالت پناه لری ، دنیاده هیچ بر فردک شک وشبهه ایده میه جکی
بر شخصیت تاریخیه و دین اسلام ده بر دین تاریخیدر . پیغمبر من حیاتک
هر صفحه سنی یاشامشدر . پدرینک وفاتندن ایکی آی صوکره دنیایه
یتیم و فقیر طوغمش ، باباسندن مال دنیا نامنه آنجق بش دومیه وارث
اولمشدر .

دنیاده سعادت وعزتک آنجق آنا ، باباقوجاغنده ، آنجق اونلرک
ادخار ایتدک لری سامان ایله قابل حصول اولدینی ظن ایدنلر رسول
اللهک اوکسوزلک بشیخندن الیوکسک مراتب اقبال وعظمته نصل
ایلره دیکنی و بویکی طرفک آرمه سننده اوزانان بولی نصل قطع

انسان مفکوره سز یاشایماز . وانسانیتک مفکوره سی هیچ
شبهه سز آنجق بر موجود انسانی اوله بیلیر . زیرا فطرت بشر آنجق
حائر اولدینی قوای انکشاف وتکمله مظهر ایتک استعدادنده در .
فطرتنده بولنمیان بر طاقم قوای ابداع ایده میه جکی پک طبعیدر .
ایشته انسانلرک مفکوره عشق طولانی سیله ادیان مختلفه دن هر بری
اورتهیه بر مفکوره قومیشدر : مثلاً خریستیانلغه نظراً حضرت مسیح
انسانیتک الی مکمل مفکوره سیدر . و بوجدایتنه کوره انسانیتک یگانه
مفکوره سی بودادر .

حالبوکه بر مفکوره نك شرائط ضروری سی تدقیق ایتدی کمز تقدیرده
اونک بر موجود الهی دکل ، بر موجود انسانی اولسی اقتضا ایتدیکی ،
چونکه انسانلرک آنجق همجنس لریله شهره تکاملده مسابقه ایده جکلری
در حال توضیح ایدر . باخصوص جناب حق یاراتدینی انسانلره تحمل
ایده میه جکلری ، پایه میه جکلری شیلری تکلیف بیورمسی متصور دکلدر .
حق تعالی مخلوقاتنه بویله بر ظلمی روا کورمکدن منزه در . مادام که
انسانلر آنجق انسانیتلرینک درجه مساعده سنده قوای فطریه لری اقصادی
کاله اعلا ایده بیلیرلر ، اوحالده بر موجود الهی بی مفکوره اتخاذ ایده منزل .
شیمدی بر کرده هر زمان وزمینده انسانلره رهبر اوله جق مفکوره نك
خطوط بارزه سنی تدقیق ایدم : انسانیتک مفکوره سی اولیه بر انسان اولمیدر که
حیاتک هر صفحه سنی یاشامش ، هر هانکی سویه ده ، حیاتک هر هانکی شرائطنه
منقاد اولورسه اولسون بونلرک هپسی ایچون بر مثال کال ، بر نمونه
اقتدا اولسون . دنیانک یالکر رفاه ونعمتندن حصه یاب اولانلر سقالت
واضطراب ایچنده یاشایانلر ایچون ، و بو حیات فانیه نك ادبار وسفالتیه

نزدند. اولان مطلوبندن صرف نظر ایتک، اوزاق، یقین، فقیر، زنکین هر کسه لطفده بولونمق، هر کسک امدادینه یتشمک، سومه دیکی یاخود ترک اولنمی دهاخیری اولان برشینک وقوعنده سیمای سنیه لرنده تظاهر ایدن رقت حیا ایله هر کس متاثر ایتک، هر کسه حسن معاشرت، هر کسه قارشق ابدال شفقت و مرحمت، هر عهده وفا، دائماً متواضع، دائماً عادل، دائماً امین و عقیف، وقور و متائی اولمق، اصحابیه مشاوره ایتک، حق اوکنده قوی، ضعیف هر کس برطابق ... بونلرک هبسی رسول الله افندمزک افعال سنیه لریله ذات هایونلری نامه تثبیت ایتدک لری اخلاق حمیده، اخلاق قرآنیه در.

علیه الصلاة والسلام افندمز حظوظ دنیویه دن نصیب مشروعی استیفا ایتمکه برابر هیچ بر وقت دنیانک آلاشی، ذوقی نفسنه حکمران ایتدیر مامش و بویه جه دیندار اولمک دنیان صرف نظر دکل، دنیایه اسیر اولماق، دنیایی اراده انسانیه رام ایدرک نعمتلرندن، زینتلرندن استفاده ایتک اولدیغی اوکرمشدر.

پیغمبرمزک بتون گذارش حیاتی کونی کونه کال دقت واعتنا ایله تدوین اولنمش، حتی اک خصوص مناسباتی، امهات مؤمنین ایله فصل یاشادینی ضبط ایدلمشدر. بتون حیاتنک هیچ بروقمه سی یوقدرکه ذات پاک سنیه لرنک اوبراق، اومنور سجه نبویه لری لککدار ایدم بیلسمین. همزده بیلیرکه انسانک رفیقه حیاتی اک محرم اسرارینه اطلاع ایتک موقعنده اولان یکانه آرقداشیدر.

امهات مؤمنین ایسه ارتحال پیغمبری بی متعاقب هبسی ده اوکا بر آن اول التحاق ایتک، خیات اخرویه بی ده اونکله برلکده یاشامق اشتیاق صمیمیسنی مهالکانه اظهار ایتمشدر. بوندن ده آکلاشینورکه رسول الله افندمز کنیسنه تماس ایدنلرک هبسنه ده یکی بروح اصالت نفخ ایتمش و بو روحک حضور علویته بتون کوچوکلک لری ایتمش، کیتمشدر.

اوت رسول الله افندمز انسانیتک اک مکمل مفکوره سیدر. فقط بر مسلمانلره نه یازیق که افق حیاتنزه دائماً بارلایان بو شمس تابانی کورمه یه جک، یاخود خیال میال سجه جک قدر دوچار هما اولدق. و بو عمای بصیرتی صانکه تلافی ایدم بیله جکمش کبی بشقه بشقه فقط هر حالده روحزه بابانچی، روحزی آیدینلا تمق زرده، اونی برقات دها قرار. نه جق مفکوره لر پشند قوشدق. قوشدق، دیدیشدک، یاره لاندق ونهایت بی تاب وتوان دوشدک. فقط بزى دوشورن، ییقان قاصیرغهر روحزی قابلایان ظلماتی ده برپارچه داغیتدی. آرتیق حقیقی کورمه که طویعه یه باشلادق: آرقق یولمزک دونکی قارا کلغنده معظم بر کونشک ایلک ایشیق لری بلیرمکده اولیه ایشیق لره که شبهه سزه قلمزدن، اسلامک قلب کندن دوغور. مسلمانلرک و مسلمانلنک قلمدن طوفان بو نور، البته، نور محمدی در. امین اوله لم که بونور، بزى سلامته، اوزله دیکمز حیاته ایصال ایدم جکدر.

هر رضا

ایتدیکنی کورسونلرده ذاهب اولدقلری ظنک بطلاننه حکم ایتسینلر. رسول الله افندمز دنیایه فقیر و یتیم طوغدقلری کبی حیاتلرنک آلتنجی سانی کچیرمه دن والده لرینده ضایع ایتمشدری.

اک کوچولک یاشلرندن بری کرک کندی محیطلرنده، کرک سائر برلرده منتشر ضلالتلردن، قنالقردن وقایه نفس ایدرک اوان نبو. تلیینه قدر امتداد ایدن قرق سنه لک حیاتلرنده بیله مکروه بر سجه ایله طانماش، محیطنک اک مرد، اک حلیم، اک امین، اک طوغرو آدمی بیلنمش و محمد الامین، لقیله اشهار ایتمشدری. حالبوکه ایچنده یتشدک لری محیط جاهلیت ارتکاب منکرات خصوصنده لایالی ایدی. بوکا رغماً، رسول الله افندمز عفت و ناموسک مجسم تمشالی اوله رق یاشامشدری. ذات پاک سنیه لرین مقدس بر وظیفه بی ایضا ایچون حاضر لایان مقدرات اونی هر نقیصه دن آزاده، هر منکر دن تطهیر ایتشدی.

رسول الله افندمز هیچ بر وقت احتراصات و شهواتک اسیری اولمامشدری. یگر می بش یاشنده و کنجلیکک، محبتک اک قوتلی، اک فیاض دمنده ایکن قرق یاشنده اولان حضرت خدیجه ایله اولنمش، اونی سومش و مسعود ایتمشدری. پدر اولمق اعتباریه پیغمبرمز اک شفیق و اک خیرخواه بریدردی. خصائص رجلیه سی هب قهرمانی ایدی. تک باشنه اردولر سوق ایدر، شجاعتک اک یوکسک تجلیلرین کوسترردی. مقتدر بر قوماندان، رؤف و معطفکار بر حکمدار، مکمل بر شارع، عادل بر حاکم ایدی.

علیه الصلاة والسلام افندمزک لسانی غایت فصیح ایدی؛ اک بدیع حکمتلری، اک کوزل سوزلره تقریر ریورلردی. کرچه ذات رسالتبناهی لری امی ایدی. هیچ بر عالمک رحله تدریسنه اوطور مامشدری. فقط سیرت سنیه لرین، احادیث شریفه لرین تتبع ایدنلر اونک تورات و انجیله و کافه کتب منزله یه، حکمانک اقواله، اقوام ماضیه نک تاریخه، ضروب امثاله، سیاست اقوامه درین و پک درین وقوفه، اونک شرایعی تقریر، آداب نفیسه بی تأسیس و تأویل ایتک خصوصنده کی اقتدار فوق العاده سنه؛ طبابتده، حسابده، فرائضده، انسابده و سائر علوم و معارفده صرف هدایت و تعالیم ربانی ایله نه قدر یوکسک و یتیشیلمز بر غایه قصواده اولدیغی - ادراک قاصرک احاطه ایدم بیله جکی درجه ده - تقدیر ایدرلر.

علم و عرفان اعتباریه بر موقع اعلاده اولان فخر کائنات افندمزک اخلاق سنیه لری ایسه قرآن، کریمزى تمثیل ایدردی: غضبی تحریک ایدم جک احواله قارشق وقار و ثبات، انسانی دلکیر و منفعل ایدم جک حرکانه تحمل ایتک، کیمسه بی مؤاخذه ایتماک، شخصی نامه هیچ بر انتقامه نزل ایلامک، دشمنی قهره قادر ایکن عفو ایتک، محیطندن دوچار اولدینی هر اذایه، هر جفایه رغماً یاربى! بونلره هدایت بخش ایله. بونلر جاهلدر!، دطاسی تکرار ایتک، کوکل رضاسیله کنیینه اک لازم شیشی بشقه بر محتاجه بخش ایتک، ینه کوکل خوشنلیه بشقه لری